

KOMMUNIKAMMA



TEKS vir die WEEK:

Joh: 10:9 & 10. "Ek is die ingang, as iemand deur My ingaan sal Hy gered word. Hy sal in en uitgaan en weiding kry. 'n Dief kom net steel en slag en uitroei; Ek het gekom sodat julle die lewe kan hê, en dit in oorfloed."

SAKE VIR GEBED

Ons bid vir almal wat siek en in die hospitaal is, vir hulle wat behandeling ontvang en vir die wat verswak is en tuis versorg word.

- * Laura Krause se dogter Merinda, wat vir behandeling gaan.
- * Irma Loots ontvang weer 'n beenmurgoorplanting.
- * Bid vir Theuns de Jager en Lynette Botha wat siek is.
- * Anita Esterhuizen se swaer is oorlede.

* Bid vir Petru Vlok wat met soveel entoesiasme en toeweiing voorbereidings tref vir die vakansie reeks vir kinders, #Imagine Kidz. Bid dat daar genoeg leiers sal wees en dat almal dit baie sal geniet en groot pret sal hê.

* Ons tree in vir die Noordelike woongebiede van PE. Die benedegeweld is skrikwekkend en mense lewe in vrees en bewing. Ons bid dat God in Sy groot genade daar uitkoms en vrede sal gee.

* Dra al die leerlinge en studente wat eksamen skryf aan die Here op. Ons glo dat hulle goed voorberei is en dat hulle met rustige harte die eksamens sal aflê.

* Pinkster: Dit is 'n besondere tradisie in ons kerk en ons vra dat die Heilige Gees met almal sal werk en dat die mense begeesterd sal leef..

**** Dit is die laaste week van Ramadan en 1.8 Biljoen Moslems lewe sonder 'n verhouding met Jesus Christus as Verlosser. Bid dat die Here in hierdie tyd van hulle vas en gebed, Homself aan hulle sal openbaar. Die Ramadan duur van 5 Mei tot 4 Junie. Kom ons staan vas in gebed in hierdie tydperk van hulle vas.***

SONDAG 2 JUNIE 2019

09:00 Gesamentlike nagmaal in die kerkgebou
Biddag vir ekologie
Geen kategeese

Die deurdankoffer is vir Gemeentebediening

Na afloop van nagmaal: Afskeidgeleentheid van oom Daan in die saal

Daar is Kerkbodes by die deure beskikbaar

18:30 Pinksterdiens in die saal. Die tema van die week is: Leef beGEEsterd.

Vanaand se tema is: 'n Vrygewige Gees
Kom kuier saam met 'n lekker koppie sop en
toebroodjies na die tyd.

Deurdankoffer vir die Bybelgenootskap

PINKSTER Maandag 3 tot Woensdag 5 Junie 2019

Pinksterdienste in die kerkgebou om **09:00** en word herhaal om **18:30**.

Maandag 3 Junie: 'n Blymoedige Gees.

Dinsdag 4 Junie: 'n Tevere Gees.

Woensdag 5 Junie: 'n Gees sonder bekommernis
Die deurdankoffer by elke byeenkoms gaan vir die Bybelgenootskap.

Elke aand is daar sop en toebroodjies.

MAANDAG 3 JUNIE

12:45 Gebedskild in die gebedskamer.

VRYDAG 7 JUNIE

MANNEBYEENKOMS

05:00 By Elandré Bosch, Lilylaan 68.

SONDAG 9 JUNIE - Pinksterfees

08:30 Eietydse diens in die saal

09:45 Kategeese

10:00 Klassieke diens in die kerkgebou.

18:30 Die ring van Algoa se gesamentlike pinksterafsluiting met Natasha Joubert by Lorraine gemeente.

VERBETERINGE AAN DIE KERKGEBOU

Die 1ste fase van verbetering aan die kerkgebou sluit die bou van 'n verhoog, verbetering aan die moederskamer en klank in. Bouwerk begin 10 Junie 2019. Daar word beplan dat die bouwerk tydens die Junie/Julie vakansie gedoen sal word. Terwyl die bouwerk gedoen word, sal alle eredienste in die saal plaasvind.

Ons versoek almal om asseblief nie tydens die bouwerk in die kerkgebou te gaan inloer nie.

Enige bouverseel het 'n veiligheidsrisiko.

MTR Smit Kinderoord het die volgende dringende behoeftes:

Afdroogdoeke, besems, mop, haardroër, broodrooster, seunsklere 7 – 12 jaar.

Items kan by kerkkantoor afgegee word.

Imagine Kidz is weer hier! Al die maats van gr R tot gr 7 is welkom om gedurende 24-28 Junie 2019 te kom deel in die pret. Op hierdie stadium is ons dringend opsoek na Groepleiers (Gr 8 tot Gr 12) en ook Stasieleiers (volwassenes). Indien jy deel wil wees van hierdie opwindende week, kontak Petru Vlok by 083 522 9880.

WEBBEDIENING

Ons is opsoek na persone wat wil help met die Webbediening - kies waar jy jou talente en vaardighede wil aanwend:

Help met plaas van terugvoer van diensterreine/ kleingroepe, Geestelike 'padkos', taalversorging, fotogalery, Grens.Pos/ABC/FEBA Radio se gebedsversoeke en e-nuusbriefe Samestelling van kuberamma Beplanning en onderhoud van webwerf saam met webmeester.

Let wel: Geen kennis van programmering is nodig nie – slegs die vaardigheid om e-pos te ontvang en te stuur plus entoesiasme vir die Webbediening elke dag.

ePos kuberamma@ngkraggakamma.co.za vir meer besonderhede.

ASEMSKEP HUWELIKSVERRYKINGSNAWEEK

Ons hou hierdie jaar in plaas van die Vrouekamp, 'n **Kamp vir Egpape**. Dit vind plaas die naweek van 4-6 Oktober by Eersterivier.

Ds Jan Coetzee en sy vrou, Elbi, wat by Sionsrand gemeente was, gaan die naweek lei. Deel van die naweek is om te gaan stap. (Jy hoef nie fiks te wees nie, maar jy moet kan stap)

Gesels met mekaar daarvoor en gee jul name vir Sonja (084 703 2992) of Roenel (083 388 5357) per sms of watts app indien julle wil deel wees van hierdie kamp. Indien jy wil help met die reëlings vir die kamp, gee ook jou naam en noem dat jy graag vir help.

Verblyf: Eie verblyf. Daar is plek in die sentrum vir mense om te bly, daar is ook verskeie huise beskikbaar wat julle kan huur vir die naweek. Kry 'n paar vriende saam en deel 'n huis.

Kamp koste: R200 met bespreking van julle as paar en R200 teen 25 September 2019.

Gee asb 'n e-pos adres wanneer jul plek bespreek.

NUWE LIDMATE

Baie welkom by ons. Vul asb die groen vorm in die voorportaal in en plaas dit in die klein houtkissie by die

vorms in die voorportaal. U kan ook die **vorm vir nuwe intrekke** aflaai en dan voltooi. Ons sal u so gou moontlik kontak.

Teken gerus in op ons e-nuusbrief by:

kuberamma@ngkraggakamma.co.za

Nog inligting oor ons gemeente is beskikbaar op ons webwerf: www.ngkraggakamma.co.za.

UITREIK NA CALA

Ons wil graag uitreik na Cala. Ons is opsoek na Wiskunde, Biologie en Rekenkunde onderwysers vir 'n winterskool, asook na iemand wat kan help met die poppekas en die opleiding van Kleuterskool onderwysers. Die datum van hierdie uitreik is van Maandag 17 Junie tot Vrydag 21 Junie.

Belangstellendes kan Giel Meyer by 082 873 9844 skakel.

Bid vir die dominee Derik en sy vrou Margie wat in uitdagende omstandighede 'n reuse taak verrig.

Bid vir leiding oor hoe ons hulle verder kan ondersteun. Indien jy kan help met die maak van of selfs net voorbeelde het van duursame speelgoed vir voorskoolse kinders, kan jy ook Giel kontak.

WINTERHOOP

Daar word weer klere bymekaar gemaak vir MES se **Winterhoop projek** wat strek van **1-30 Junie 2019**.

Die volgende items word benodig:

Warm klere, sokkies en skoene

Mussies, handskoene en serpe

Komberse

Nie-bederfbare voedsel

Toiletware

Items kan by die kerkkantoor ingehandig word.

LOFDANSE

Het jy n passie vir dans? Ons wil graag met n Lofdans groep [Worship Dancing] begin. Enige iemand is welkom, jonk en oud. Jy hoef nie opleiding te hê nie, net 'n passie om die Here deur middel van dans te loof.

Indien jy belangstel kontak Felicity Kapp 0825768305

KERSMARK 8 – 9 NOVEMBER

Kraggakamma gemeente bied hierdie jaar 'n kersmark aan. Indien jy 'n stalletjie wil hê by die mark, kontak Niekie of die kerkkantoor vir inligting.

Ons is ook opsoek na lidmate wat sal help bak, kosmaak en verkoop tydens die kersmark.

Kontak die kerkkantoor indien jy wil help.



Gebruik SnapScan en betaal jou:
Dankoffer
Maandelikse Bydrae
Donasie, ens..